

**«Հայաստանի Հանրապետության կառավարության
2023թ. մարտի 16-ի թիվ 354-Ն որոշման մեջ
փոփոխություններ և լրացում կատարելու մասին»
ՀՀ կառավարության որոշման նախագիծ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ

Ո Ր Ո Շ ՈՒ Մ

« » _____ 2025 ԹՎԱԿԱՆ

N _____ Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2023 ԹՎԱԿԱՆԻ ՄԱՐՏԻ
16-Ի N 354-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆ ԿԱՏԱՐԵԼՈՒ
ՄԱՍԻՆ**

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2023 թվականի մարտի 16-ի «Էլեկտրոնային հսկողություն իրականացնող անձանց ցանկը, դրա արդյունքով ստացված տվյալների օգտագործման, պահպանման և ոչնչացման պայմանները, ստացված տվյալներին ծանոթանալու իրավունք ունեցող պաշտոնատար անձանց ցանկը, տեսանկարահանող, լուսանկարահանող, տեսաձայնագրող տեխնիկական միջոցների ցանկն ու դրանց կիրառման կարգը սահմանելու մասին» N 354-Ն որոշման (այսուհետ նաև՝ Որոշում) մեջ կատարել հետևյալ լրացումները և փոփոխությունները.

1) Որոշմամբ հաստատված Հավելված N 1-ի 1-ին կետը լրացնել հետևյալ բովանդակությամբ 10-րդ և 11-րդ ենթակետերով.

«10) քրեակատարողական ծառայության կենտրոնական մարմնի պահպանության ապահովման բաժնի պետը.

11) քրեակատարողական հիմնարկի պահպանության ապահովման բաժնի պետը:»:

2) Որոշմամբ հաստատված Հավելված N 4-ը շարադրել հետևյալ խմբագրությամբ.

«1. Քրեակատարողական հիմնարկի էլեկտրոնային հսկողության համակարգն առնվազն պետք է ներառի՝

1) տեսանյութի թվային տեսագրման և պահպանման սարքավորումներ,

2) ծրագրային վերլուծական և տեսանյութերի մշակման փաթեթ,

3) ակտիվ և պասիվ ցանցային սարքեր,

4) ցանցային տեսախցիկներ և/կամ ջեյմային տեսախցիկներ (կախված տեխնիկական պահանջներից),

5) օպերատորների աշխատանքային կայաններ և/կամ մոնիթորներ,

6) այլ աքսեսուարներ և սարքավորումներ (ադապտորներ, կանեկտորներ, կախիչներ և այլն),

7) էլեկտրոնային հսկողության համակարգի տեխնիկական միջոցների քանակի, տեսակի, պարամետրերի և հնարավորությունների, այդ թվում՝ վերլուծական պահանջները ձևավորվում են հաշվի առնելով տվյալ քրեակատարողական հիմնարկի առանձնահատկությունները և էլեկտրոնային հսկողության համակարգի կիրառման նպատակները,

8) բոլոր սարքավորումները պետք է ունենան արտադրողի պաշտոնական ծագման հավաստիչ փաստաթղթեր, այդ թվում՝ ապրանքի սերիական համար և արտադրողի տեխնիկական բնութագիր,

9) արգելվում է օգտագործել սարքավորումներ, որոնց ծագումը հնարավոր չէ հաստատել փաստաթղթերով կամ որոնք չունեն արտադրողի՝ պաշտոնական նույնականացման նշումներ (բրենդ),

10) էլեկտրոնային հսկողության համակարգը պետք է ապահովի իրադարձությունների, գործողությունների և օգտագործողների

գործողությունների լոգավորում՝ ներառյալ մուտքերի, փորձված մուտքերի, կարգավորումների փոփոխությունների բոլոր դեպքերի գրանցումը՝ ժամանակագրական ճշգրտությամբ,

11) համակարգը պետք է ապահովի անվտանգության բարձր մակարդակ և հնարավորություն տա լիովին անջատել կամ արգելափակել արտադրողի ամպային մոդուլները, հեռավար կառավարման կամ ինտերնետային միացման ցանկացած ֆունկցիոնալություն՝ ապահովելով միայն տեղային (local) աշխատանքային ռեժիմ:

12) տեսանյութի տեսագրման և պահպանման սարքավորումը պետք է լինի թվային և ապահովի անընդհատ՝ 24 ժամ շաբաթը 7 օր և 365 օր տարվա ընթացքում տեսադիտում ու տեսագրում:

2. Էլեկտրոնային հսկողության համակարգն ապահովում է.

1. իրավիճակի շարունակական շուրջօրյա մոնիթորինգ,

2. վիդեո ազդանշանների փոխանցում կառավարման սենյակ իրական ժամանակում,

3. եռատիպ աշխատանքային ռեժիմ (միաժամանակյա տեսագրում, տեսագրված տեսանյութի դիտում և իրական ռեժիմով տեսանյութի դիտում),

4. Էլեկտրոնային հսկողության համակարգը նախագծվում է մոդուլային սկզբունքով, և այն հնարավոր է ձևափոխել և ավելացնել հավելյալ սարքավորումների ձեռքբերման ու փոխինտեգրման միջոցով,

5. վիդեոտվյալների արտահանում ինչպես սեփական պահպանված ձևաչափով, այնպես էլ ընդհանուր առմամբ ընդունված ստանդարտներ (օրինակ՝ AVI),

6. տեխնիկական միջոցների և տեղեկության փոխանցման գծերի գործունակության ավտոմատ մոնիթորինգ՝ ազդանշանի թողարկում համակարգի տարրերի անսարքության դեպքում,

7. մոնիթորի էկրանին ծառայության տեղեկության ցուցադրում՝ տեսախցիկի ընթացիկ ժամանակը, ընթացիկ ամսաթիվը, համարը կամ անվանումը և ծայնագրման ռեժիմը:»:

2. Սույն որոշումն ուժի մեջ է մտնում պաշտոնական հրապարակմանը

հաջորդող օրվանից: